

Qamutit motoorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaat (Qamutit motorillit savaateqarfinni tuttuuteqarfinnilu ingerlatsiviusuni il.il. inuussutissarsiutigalugu atorneqartunut akileraarummik akiliinnginnissaq)

§ 1

Qamutit motorillit akileraarutaat pillugit Inatsisartut inatsisaanni nr. 3, 16. juni 1987-imeersumi, Inatsisartut inatsisaatigut nr. 14, 7. november 2003-mi kingullermik allanngortinneqartumi makku allannguutigitinneqarput:

1. § 1 ima oqaasertaqassaaq:

"**§ 1.** Qamutit motorillit Kalaallit Nunaanni aqqusinikkut angallannermut inatsit naapertorlugu nalunaarsorneqartussaasut Landskarsimut nakkartussamik akileraartassapput.

Imm. 2. Akileraarummilli akiliisussaanngitsut tassaapput:

1) qamutit motorillit qatserutit annaassiniutillu,

2) napparsimmaqarfuiup napparsimasunik angallassissutai,

3) qamutit motorillit nunat allamiut aallartitaqarfinit imaluunniit konsuleqarfinit imaluunniit aallartitaqarfimmi sulisunit qallunaatut innuttaassuseqanngitsunit pigineqartut, aammalu

4) qamutit motorillit savaatillit tuttuutillillu sulinerannut atorneqartartut, savaateqarfinit tuttuuteqarfillu illoqarfinit nunaqarfilla avataanni inissisimasut sumiiffinnilu taakkunani qamutit motorillit arlaqanngitsuinnaat pigineqarpata akileraaruteqartussaanngitsunut ilanngunneqassasut.

Imm. 3. Qamutit motorillit innarluutilinnik angallassisssutit, qamutit toqusut illerfiinik assartuutit aammalu qamutit motorillit, aalajangersimasumik ingerlaarfearlutik bus-itut atorneqartartut akileraarummik akiliinnginnissaat Naalakkersuisut akuerisinnaavaat."

§ 2

Inatsisartut inatsisaat 1. januar 2005-miit atuutilissaq.

Imm. 2. Ukiup affaanut, piffissami 1. aprili miit 31. december 2004-p tungaanut qamutinik Motoorilinnik pigisalinnut akileraarummik akiliuteqannginnissamut § 1, imm. 2, nr. 4-imti taaneqartunut akiliutigisimasinnaasaannik utertitsisoqassaaq.

Namminersornerullutik Oqartussat, ulloq 11. november 2004

Hans Enoksen

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut